



Tužilaštvo - Tužiteljstvo Bosne i Hercegovine
Тужилаштво Босне и Херцеговине

Broj: T20 0 KTO 0024243 23
Sarajevo, 11. novembar 2024. godine

SUD BOSNE I HERCEGOVINE
SARAJEVO
- Sudiji za prethodno saslušanje -

Na osnovu odredbi člana 35. stav 2. tačka i) i odredbi člana 226. stav 1. u vezi sa odredbama člana 227. Zakona o krivičnom postupku Bosne i Hercegovine (u daljem tekstu ZKP BiH) p o d i ž e m:

OPTUŽNICU

Protiv:

JOVAN MILOVANOVIĆ, [REDACTED], rođen [REDACTED] 1959.
godine u Novom Sadu, Republika Srbija,

[REDACTED] državljanin Republike Srbije,

Što je:

U vremenskom periodu od 22. jula 2021. godine do sredine jula 2023. godine, a nakon što je [REDACTED] organizovao grupu ljudi radi neovlaštene proizvodnje, međunarodnog prenosa, prodaje, nudiženja na prodaju, nabavke i držanja - skladištenja radi prodaje opojnih droga u Republici Srbiji, Bosni i Hercegovini, Republici Austriji, kao i drugih država članica Evropske unije, svjesno i dobrovoljno postao član organizovane grupe ljudi u smislu člana 1. stav 21. KZ BiH, kojoj su pristupili i [REDACTED], s ciljem sticanja protivpravne imovinske koristi, djelujući na području Republike Srbije, Bosne i Hercegovine i Republike Austrije, bavila se

neovlaštenim uzgajanjem, međunarodnim prevozom i prenosom radi dalje prodaje opojne droge „Cannabis sativa L“, koja se nalazi na Listi opojnih droga, psihotropnih tvari, biljaka iz kojih se može dobiti opojna droga i prekursora („Službeni glasnik BiH“, broj: 8/06) i čiji je promet zabranjen u skladu sa odredbama Zakona o sprečavanju i suzbijanju zloupotrebe opojnih droga („Službeni glasnik BiH“ broj: 8/06, 103/08 i 51/11) i Konvencije UN protiv nezakonitog prometa opojnih droga i psihotropnih supstanci iz 1988. godine, pa je po uputama organizatora ■■■ Jovan Milovanović i drugi članovi grupe, svjesni da se radi o opojnoj drogi, kao i da nemaju odobrenje nadležnog organa za uzgajanje, nabavku, prevoz, držanje i prodaju opojnih droga, htijući da neovlašteno proizvode opojnu drogu „Cannabis Sativa L“ te da je kasnije prodaju na teritoriji R. Srbije, Bosne i Hercegovine, Austrije i drugih zemalja Evropske unije, s ciljem sticanja protivpravne imovinske koristi, u mjestu ..., Grad B. L., u kući koju je zakupio Jovan Milovanović, koristeći se lažnim identitetom i ispravama na ime ■■■, instalirali laboratoriju za proizvodnju opojne droge „Cannabis sativa L“ u vještačkim uslovima, nabavili i pripremili potrebnu opremu i sredstva za uzgoj opojne droge „Cannabis sativa L“, a nakon što su zajedno na njima poznat način pribavili sjemena opojne droge „Cannabis sativa L“, sijali ista, da bi članovi grupe ■■■ neposredno i putem aplikacije ■■■ instalirane na mobilnim telefonima Jovanu Milovanoviću davali upute o održavanju laboratorije za proizvodnju opojne droge u vještačkim uslovima, po kojim uputama je Jovan Milovanović i postupao, te se brinuo za sadnice opojne droge „Cannabis sativa L“, iznikle sadnice presađivao, te članove grupe putem aplikacije ■■■ redovno izvještavao o njihovom napretku, a članovi grupe ■■■ po uputama organizatora ■■■ u više navrata dolazili do laboratorije na adresi ..., B.L., i nadzirali proizvodnju opojne droge, putem kojih članova je organizator grupe ■■■ Jovanu Milovanoviću slao sredstva i alat potreban za uzgoj opojne droge „Cannabis sativa“, kao i novac za izdatke povezane sa održavanjem laboratorije za uzgoj opojne droge u vještačkim uslovima, a s ciljem uzgoja iste i dalje prodaje, da bi dana 08.05.2023. godine Jovan Milovanović, po uputama dobivenim od NN člana grupe putem aplikacije „■■■“ instalirane na mobilnom telefonu, a u cilju izbjegavanja otkrivanja laboratorije za proizvodnju opojne droge od strane policijskih službenika, počeo rasformirati laboratoriju i vaditi stabljike opojne droge „Cannabis sativa L“, u čemu su mu dana 09.05.2023. godine pomogli NN članovi grupe, pa su stabljike opojne droge stavili u septičku jamu iza kuće, gdje su i pronađene od strane policijskih službenika Ministarstva unutrašnjih poslova Republike Srpske dana 11.07.2023. godine prilikom pretresa kuće koju koristi Jovan Milovanović na adresi ..., B.L.

Dakle, postao član organizovane grupe ljudi te radi neovlaštene međunarodne prodaje, uzgajao, držao i na drugi način stavlja u međunarodni promet supstance ili preparate koji su propisom proglašeni opojnim drogama,

Čime bi počinio krivično djelo Neovlaštenu promet opojnim drogama iz člana 195. stav 2. u vezi sa stavom 1. Krivičnog zakona Bosne i Hercegovine.

TUŽILAŠTVO – TUŽITELJSTVO BiH
Tužilac